

皇清文穎續編

皇清文頌續編卷二十九

頌

古稀頌

謹序

彭元瑞

乾隆四十有五年庚子天苞地符嶽輪山效不
應我

聖主七旬萬壽慶辰維時薄海內外億兆臣庶躋
仁壽世遊於鴻禧之宇喁喁于于咸願申祝

嘏用介

繁釐

皇上先期

詔勿事而凡

嘉惠萬姓者若特科若蠲漕靡不

優渥歲元旦乃

頒恩詔慶典所宜舉行咸秩維昭懿鑠乎自古頌祝
君上者以天保九如爲最盛說詩者謂人君以
鹿鳴以下五詩燕其臣臣受賜者歌此詩以答

其君萬物之於天無以言報子於父母亦不敢
言報然而君臣之際恩明誼美上下交泰有感
孚焉方今

昌期翔洽九宇滂漉所以

惠下者何其周而所以祝

上者何其約詩書以來未之或有也臣備員

禁近受

恩最深猥以奉使江國不獲趨赴

山莊預於拜舞之末夙夜欣嚮思竭臆謏述以宣

上德據下悃

臣伏覩

皇上邇者刻玉篆寶二其一文曰

古稀天子之寶一曰猶日孜孜大哉

聖言

體天行健之全功具於四言中至所謂古稀者乃以

聖壽方屆七旬言之

臣愚以爲我

皇上膺上聖之資應下武之運

御極以來四十五年無事不超越萬古若

敬

天之誠心

法

祖之大猷

愛民之實政與夫

典學高深

武功顯燦

三才圖會卷之三
國家幅幘之廣典章之隆

用人行政之維精

宵衣旰食之不息無一不臻其盛求之史冊所紀述

三代盛王之行事伊古實爲稀有固不獨

聖壽之延洪曼羨於億萬年者無有紀極也

臣謹分

件屬辭牽證古事以明古稀之盛凡作頌九章

其詞曰

昊緯眷有德監觀在下儲庥凝禧亦孔之固

天佑

聖人維其子之

聖人答

天維其父母之虔輦翼翼流謙戒盈夙夜敢不獲日

旦曰明

園壇

紺殿兆於郊南春

祈夏

雪冬至

大祀歲舉者三十四五年祭必

躬親視版潔器夙戒維寅恪執圭幣壹志辟容至于
今

七旬弗懈滋益恭與

天同體呼吸通之志示以朕動協于幾成功集事求

福順轅

論以明之

信天主人敬

天勤民四言是寶

齋宮作歌奉若

天道禱雨告風

親製祝辭至誠所感響答影隨成湯桑林七年乃應

文王昭事未受大命我

皇敬

天古者所稀純亦不已

萬壽爲期一章

天福我

大清累洽重熙

聖

聖相承式于九圍在昔

仁皇帝積厚篤慶我

皇逮事星輝海潤

聖鑒垂裕

聖德在躬曰牡丹臺授受執中承

顏豫遊萬壑松風

付託之重遺大投艱受此丕丕基越四十年續

緒繩

武乃作堂紀

恩布在方策

聖訓

實錄雜誦循環晨興必肅敷政優優出治之本見羹

見墻

孝慕追遠

國有善俗率由舊章衣冠毋改騎射毋忘勒石貽
訓圖式煌煌億葉慎守永固苞桑

三詣

陪都鎬豐宅奠

王業所基敬觀

弓劒創業之艱櫛風沐雨

祖烈駿龐曰在薩爾滸

文以紀盛昭示來許禹湯躬聖盛不三傳成康繼治
不逮其先我

朝慶源

五世神聖維古所稀

法

祖疑命 二章

芸芸羣生託命一人億兆赤子父母大君

聖人在宥曰維愛民休戚一氣恫瘝在身請言其大者首在蠲貸

蠲賦者三

蠲漕者再數逾千萬計輪年分配

國之常經貢賦任土繙入度支粟供天庾一頌元吉有孚惠心損上益下給足林林一頌盛世豐亨豫大以通制用九式不廢爲百姓謀河工海塘水衡鉅萬以保耕桑

蹕路所經除新豁逋軍興所過發帑免租冬卜瑞雪
夏祈甘雨喜佳籩麥厘害禾黍

問夜宵宮占雲書籙

聖心勤勞下同田父偏隅偶歉封章入告發粟振乏
司會弗校緩征蘇困截漕備支夏初平糶冬盡捐糜
纖悉必到

膏澤下施令自爲謀無此周備歲每

巡省補助隨之成三大功而民不知飽食晏眠鼓腹

含舖如登春臺如遊康衢百歲偕登累世同居

太和薰蒸協于祥符我民何幸真皞皞如厯山鑄幣
乃云小補荒政十二不盡泉府周官勞役牙璋鼙鼓
維

皇愛民稀聞自古 三章

六籍既遠百家以興不有折衷曷集大成甲乙丙丁
是分四庫劉畧班藝阮錄荀簿總目崇文大典永樂
詳而無紀散或虞畧

作者謂

聖乃成全書赤文祿字州次部居

三閣翼翼西山所都表章闡顯權衡進退裨世立教
崇正黜僞書契以來一大昌會秘殿鉛槧經史犁然
三通典要以續以刊義疏既輯曲臺定議音韻述微
律呂正義都京舊聞興桓新志會典六官

方畧再編禮圖繪法史譯重編撮爲闡要釐爲輯覽
既成明史乃訂明鑑

丹豪手定錦函

親披館局儒臣莫贊一詞

聖文五百

御詩三萬

頌在學宮

敷言極建陶以元氣發以元聲下俯百氏上接六經

樂府五什

全韻四聲觀

光揚

烈治統政程

宸筆一畫偃波垂露堂寶三希亭冠八柱敬勝刻珉
淳化列廡

天縱多能文之餘緒堯戒舜歌湯銘禹篆一二僅存
未窺完善

聖章河嶽

睿文日暉豈惟古稀萬世莫京

四章

允文

允武

聖臻其極

一心謀斷萬里

威德遠播爾部自元逋誅篡奪相仍敝關而呼救民
水火行師几席二十五騎一戰而克名王旣縛拯其
舊部兩和卓木負

恩負固

經營既定俘馘相屬五年成功全藏厥局

天示以幾善承

天意

兩朝未竟善述善繼窖米樹九

助順有象援師濟馬如指諸掌當事未集眾疑叢生
聖人幾先惟斷乃成泊乎耆宅眾樂成功

聖人善後處以謙冲

西師諸詩

開惑一論大謨至理萬古傳信二十年來西極康莊
戰圖始成鐘鼎旂常伊爾金川西徼小醜蠻觸穴門
邛距負走倣擾土司蛇豕洊害我土我民

王者無外始服而赦繼逆而征

指示機宜無堅不傾高碣旣隳長圍旣合飛走路窮
頸組雜還藁街駢懸四裔震懾軍屯如家羣番班
覲雪嶺逢婆咫尺

天近格苗近服征扈內侯太原徐方况匪殊陬詩書

揚厲孰與

今同誠古所稀

皇帝武功

五章

芒芒坤輿天覆中外視德大小爲地廣隘畫爲九州
肇自軒轅橫章縱亥邈焉莫傳自虞迄周五服十二
州禹貢職方可考而求漢不滿西南唐疆西蹙宋更
偏據明絕外服我

大清受命奄有九有朝鮮比內臣內札薩克四十有

九中山南交封貢奔走我

皇受之增其式廓一尉一候逮乎廣漠古者所稀請

言疆索上塞畿北旣脫在明爲我苑囿爲我膠鬲迪

化惠遠限於玉闕置爲郡縣戶闔往還昆侖我阜濛

汜我池二萬餘里始達京師普爾輸賦騰格鑄號闡

壁入懸宛駒服阜暨安集延痕都斯坦精鏐磨玉入

貢自遠土爾扈特歸自窟邊傾心向日仰首見

天籌以游牧活以衣糧慰以黃教膜拜都綱自我

朝肇興蒙古先服越百三十年盡其族屬尺土我收
章一民我臣僕象胥不及通職貢不能繪極天覆壽
咸襲冠帶卽今方來西極化人綦歲始達丹書貝文
持

無量壽獻

有道君猗歟盛事懿古未聞

六章

邽隆之朝禮明樂備治定功成以俟必世我

朝典章度越前代

聖探本原或因或改損益前規神明舊章

聲律身度漚嫩意良肇禋

常雩爲民祈澤玉苾嘉穀

右壇搢璧祭以槃盥禮失器散

親釐定制陶匏樛范鋪鐘出山特磬夏玉條理始終
宮縣具足志仰從周禮隆

幸魯

頌器十事高列鼎俎雲紘雷回鎬洛澤古更取土制

被以聲詩春誦夏絃四術是宜健銳置營貔虎禁衛
取法實勝益廣軍制郊臺再成奏凱聲喜十年

雨御益訂軍禮柔遠肄武塞獮歲

親習勞行賞冰嬉冬陳

瞻眺臺懷

臨視中嵩

五巡于南

三駕于東察吏安民籌河觀海有事必舉匪惟五載

三代之政不相沿襲義有因革時有得失我

皇制作豈惟古稀監于三古而損益之

七章

用人行政

聖治大端宅中圖大長治久安穆穆我

皇臨御中天會極歸極無頗無偏賞罰視人用舍已
出一物不遺因物付物持以至正協于大中不動聲
色

垂拱篤恭墨吏必懲秀民無赦風雨露雷含生造化

先以

誥誠

慈父

嚴師或有或奪視其公私萬里之遙

心照皎日一念之隱

天臨爾室

惠不靳費儉必戒靡化民成俗使由不知報而報雪
民數穀數毋飾毋諱以負守土人才實難

裁成磨厲無終廢員廣新試吏

盛德大業莫殫莫究百爾靖共兆民在宥伊祁耕鑿

有姚喜起三代升降小康上理惟我

皇躬一以貫之用人行政乃曰古稀

入章

莊敬日強恒久不已神明則壽生人常理周書有言
無逸作所享國乃長受命既固我

皇至誠旰食宵衣寤寐九宇寢饋羣黎農章午奏一

字不遺一日二日兢業

萬幾夙興視朝昧爽行禮大臣次對下引羣吏五夜
軍書三時農候

心籌口詢無間宮漏暇

親經史

作爲詩章日每逾什

聖謨洋洋

鑾輿順動星言夙駕揚靈雍容控轡閑暇

日角珠庭仰瞻

天表道勝故朕德光彌劭

帝王之壽不與衆同

壽民

壽世益

壽

聖躬萬八千歲三皇之世如春是謂

古稀

聖壽同臻 九章

皇上七旬萬壽頌

謹序

錢 樾

臣聞聖人以天地之心爲心卽以天地之壽爲壽循蜚疏化而上文或不雅馴自軒頊以暨勲華世紀可攷雅詩棫樸旱麓諸篇推本於世德之緜延以導揚福壽召康公卷阿遂歌言受命之長土宇販章之厚於彌性三致意焉蓋聖人有大德自兼備乎祿位名壽此必至之符自然之應也洪惟

皇上御極之四十有五年歲庚子仲秋旬有三日恭

逢

七旬萬壽聖節於時

南巡之典告備

鑾回江甸

蹕駐山莊薄海內外

天人訢閭之氣蒸爲太和凡有血氣莫不翹趾樹頌

頤效封人之祝而西藏班禪額爾德尼感

大威德跋涉數萬里望風慕義膜拜抒誠冀得一仰

觀

天容

皇上柔懷遠人弗忍拒而中外大小臣工之啟經壇

貢方物者咸抑而弗許先是履端協吉

大宴廷臣

頒詔四海開

恩勝復租稅

賜爵宥責恤孤優老而

鸞輅所經復

溥錫春祺崇宏晏晏用以加惠元元共登

壽域非以天地之心爲心曷克臻此夫

一人至誠不貳之心足以壽天下而天下泰和絪縕
之氣足以壽

一人盈天地間一敦龐純固之所積庥符炳燭萃於
皇躬故曰以天地之壽爲壽也伏念

國家肇基震土

聖

聖相繼

皇上以守兼勅日慎一日自上章攝提格

六旬聖壽以迄於今十年修禮

三陵崇

世德也庀工

陪京溯

王業也歲獮木蘭繩

祖烈也輯瑞觀岳循虞典也

閔河隄建海塘重民生也辨忠枉改封號眷功宗也

發帑賑恤興學邊陲

德施普而化光被也啟

三閤開四庫

御製詩篇與日俱富擬全韻之鉅體譜樂府之元音

攷時物之氣候金聲玉振鳳負龍盤

文治隆而

聖學懋也西陲底定而後版圖式廓歸順者有土爾
扈特則給耕牧以養之負

恩者有促浸趨拉則

命斧鉞以誅之烏弋黃支之國丹冥青徼之陬莫不
候月來王觀風受吏

威稜燁赫而

聖武布昭也凡此者皆我

皇上夙夜單心敬

天法

祖以故

懿德豐功益隆無外夫德非三古以後之德斯治非
三古以後之治而

聖壽絲固寧弗超軒頊軼勲華萬斯年受

天景貺哉此理得而氣與數俱得者也

臣奉

命秦中不克隨

輦轂羣臣班末望

闕呼祝區區之愚冀有述於萬一敬譔頌十四章
以獻其辭曰

聖清肇造自彼東方

生民維始朱果降祥奕世載德篤生我

皇

天錫純嘏既壽而昌

一章

令德宜民自

天申命四十五年日強莊敬允武允文乃神乃聖萬
國以寧

一人有慶

二章

文思安安緝熙典學

聖德日新

天章雲倬銘勒盤盂音諧韶箎玉琢金相日沐月浴
三章

詔下崇文藜輝灼爍風舉萬籥雲連

三閭考制設官典司慎恪

惠逮藝林資鑑用博

四章

聖武旣揚戢戈櫜矢梯霄架極同文並軌井絡氛清
子闕玉採屯牧豐藩商民溢喜

五章

伯偃靈臺建學邊塞益地圖開遠通西極土扈歸誠
爾田爾宅列部諸蕃面內貢職

六章

巡岳運斗六合均禧采風晉洛宣義魯齊

眷彼吳越水土是諮遊河觀海刻玉謳思

七章

月正元日

慶錫十行綸銜鳳翥闔啟鸞鏘協氣燕溫侯甸要荒

膏澤滲漉樂且無央

入章

蠲爾正供

皇實富之復爾昔逋

皇實壽之惠爾耆耄醴之醕之矜爾肺嘉省之宥之

九章

彬彬鸞序

賜爵普兮肅肅鴻羽觀光附兮維麓有榛

湛露渥兮維泮有芹

化雨溥兮

十章

行葦霑仁

仁施以序表宅引年劭農恤旅衢尊醕橫饗鼓軒舞
熙我春臺宏我

壽寓

十一章

律中南呂維甸有三禩雲綯采瓊露流甘玉輪光涌

金粟香涵嵩呼華祝普天

慶覃

十二章

南極輝吐東瀛算長北藩陪

宴西佛依

光銖衣寶飾瑞相珠髮景風膜拜

聖化洋洋

十三章

於爍

鴻猷基乎

宵密仰睹

慶符神人忻悅崑岫

福齊恒沙

算瑤

景命萬年長開

聖節 十四章

擬

恩綸頌

謹序

紀昀

欽惟我

皇上得天恒照斂福錫民慎憲省成彌懷無逸歲在

庚子復

時巡江浙

閱視河工海塘因以詢察土風行慶施惠

仁心茂育

聖渥龐洪非歌詠所能縷述其

宣示中外者懿綱淳化更多振古所未聞蓋南邦士
女至是五觀

龍光矣省方設教歷久益勤順時布澤有加靡已豈

非度越三五之上軌哉

臣

備員薇省每伏讀

詔令輒私心抃慶竊作頌聲自春徂夏成三十六篇

敬題曰

恩綸頌用昭

盛美而抒下忱每篇皆恭繹

諭旨約舉提綱併詳紀日月編次先後見詞必有徵
政皆紀實非前代儒臣浮文粉飾者比雖挂一
漏萬類以管闕

天然鳬藻微誠不能自己謹繕錄成冊拜手稽首以
獻

乾隆四十三年十月初六日

諭巡幸江浙閱視河工海塘

堯曦麗霄四瀛成炳

黃屋凝神鑒周遐憬

帝聰胥達衢謠猶

省太乙南臨川紆途永春祺湛湛膏露若穎澤億

四巡慕覬

五幸微植熙陽葵忱胥秉綠章籲

聞

丹綸俞請導水纘禹司鑾

詔丙德郵捷傳迅流鵠影江溼海陬駢趾引領

乾隆四十四年十月初一日

諭截留漕船以平行營米價

金粟重輕劑平乃利穀少麴繁珍則翔貴棲畝本贏
審籌防匱輯玉

舜巡鳴榔

軒衛鈎陳駢拱爰閭和會萬乘台還儲峙豫計星廬
炊雲雪匙佐糲萬斛一餐餘粒委積減漕資農居奇

杜僧博濟翔仁均權本義調濟有無曲周纖細
心鏡意珠靡遺一事

乾隆四十五年正月十二日

諭免直隸山東經過州縣錢糧十分之三

奎婁野分尾箕躔列畛錯青徐域枕渤碣州絡鉤帶
北燕南越中亘趙齊九廋通轍雲罕初啟麥隴
親閱途經阡陌供減銓結崆峒戴斗岱宗禮日

游豫所經

沛恩非一

時邁茲賡重邀

溫綽盜漿液融禱尊甘溢潤逮禾麻歡洽蓬華田歌
請韶擊轅中律

正月十三日

諭免直隸常平借項及屯糧

旬服禹規遺人周法粟米職供委積典納屯糴軍實
庾儲令甲準數取償古經是協乃

春日畿巽申

御劄春耕方始秋場軫乏租吏戢音度支銷牒地寶
偶儉

天膏自浹

輦道逶迤婦孺匝匝膜拜鞠脰絡繹雜遝

穹昊帡幪罔知所答惟祈

壽康重熙永洽

正月十四日

諭賞直隸山東辦差兵丁兩月錢糧

氏南懸象叶應星文期門屬韃扈衛實勤州郡部曲
尺籍隸軍滄瀛甸服齊魯近藩波澄東海鑰固北門
饒燭雖肄征戍無聞灌燧列堠橐甲司闔有事爲榮
警蹕清塵裹糧數日增廩六旬賞厚功薄仰愧
皇仁饒曲橫吹笳鼓閭閻韎韐騰歡繫獨農人

同日

諭賞直隸山東老民老婦

衣冠偉然龐眉耆老布帔荆笄皤皤里媪鱗次分曹
焚香

輦道是雖微賤均蒙

鴻造時和人壽實爲國寶維

皇建極厥庶錫保太和蒸蒸淳氣灝灝秋鮮凋柯春
無腓草黃髮含飴耕鑿不擾密邇

堯天傲睨商皓捧挈穀帛提攜黃小熙皞庶徵瑞圖
式表

正月十五日

諭直隸山東辦差官員有叅罰者開復無叅罰者加
級

百度允釐六計維肅馭貴馭富惟爵惟祿

金鏡朗澄乾綱獨握權衡曲當賞罰咸服宥過有經
盈期乃復晉秩明褒程功斯錄

狩典肇舉制修覲牧晝三日接咸食

天福新階註籍舊瑕削牘春澤實覃丹忱宜勗各礪

廉隅盟心率屬

正月十六日

諭截漕運丁加賞月糧十分之二

越稻吳杭雲帆北轉銅符隸官瓜期更踐儲胥夙籌
舳艫罷遣巨槳停鼓飛緇息挽裹餽計程減支徵典
行十居五數猶羨衍

帝軫于役川途淼遠夜潮水宿晨霜星飯粟益二鬴
膏溢匙盃飽娛妻孥憑沾雞犬巨舶連檣高帆風滿

利涉先歸延佇

雕輦

同日

諭長蘆鹽課帶徵十分之一

味取作鹹牢盆古給利因自然開源資國用禪九賦
惟商舉職府海有章馭馬不極藏富留餘已蕃已殖
斗車南邁

錫福萬億郊垌近光澤敷先北

惠心有孚象占下益用九緩一優柔以息均稅五基
譬田三易析木漢津長蘆浙浙大編義豈行歌
帝力

正月十八日

諭賞直隸官員辦差銀二萬兩

方岳觀后明堂述職湯沐有所國猶賜邑况

御六龍時巡下國禮聞納鑰知非張帟

行殿葺營采椽因昔丹雘樸斲義仍古式勤懋虞狩

儉遵如德載

閱崇構俯軫羣力

紫泥敷宣朱提用錫葵簪鑒枕斧藻酬直發軔伊始
宣綸先飭纖芥弗擾昭昭仰識

正月十九日

諭行宮不必華飾勿以絲毫累民

合宮舊圖軒皇貽典

省方有制寧娛池館涉江春省渡灤秋獮禹牆戒雕

堯茨勿翦貴質敦素

皇風夙闡樸異燕趙靡始青充壯麗營宮蕭規終淺
明詔彰彰仰闕何晚

雲牖延矚露臺惜產璇題徒構

鸞書示譴

大訓煒煌昭鑒久遠警茲凡百還淳共勉

正月二十日

諭賞山東辦差官員銀三萬兩

海岱及淮雲構稍崇徒據愚忱未窺

聖衷明明

睿照日月高穹誰敢箕斂竊擾三農經營潤色力合
羣工爾俸爾祿亦等畿封厥見則監厥事則同

申誠杜漸均資昭公仁至義盡衡平鑑空順應咸宜
皇極執中黜華崇實貴儉戒豐羣黎共喻六字從風
同日

諭免山東緩征錢糧倉穀

維古兗州斥鹵濱海瘠植桑麻美乏稻蟹神禹敷土
作十三載閱歲四千地形未改歲或水旱征煩牧宰
倚闥

恩多度支籍在

帝越魯疆土風親採

詔與蠲除宥侔作解和颺蓬蓬甘膏灑灑望幸瞻蒲
錢傳序乃吏無追呼人歌樂愷祝

壽南山億齡崔嵬

正月二十八日

諭賞山東至乍浦等處駐防滿洲老人老婦

從龍舊族

國之本根分控輿區貔虎列屯旣建節鎮遂長子孫
長白三江夙秉靈源水深土厚氣淑化醇餘派流衍
靡固仍敦鯢背鶴髮黃耆多存北起廣川南屆海門
左右異路肅迓

軒轅禮耆有典

溥錫昭恩仁壽之化上際下蟠駢羅星拱

丹極常尊

二月初五日

諭免江南積欠緩征錢糧漕米

敷澤與衍江海茹涵水珍陸產再稻八蠶九州上腴
實爲江南司農歲入七居其三繁殖旣甚奢麗彌耽
勤惰靡齊正供或淹舊賦新租符檄相參

觀民伊始渥沛和甘金粟百萬蠲貸溥覃戶歌紅女

隴井丁男浩浩長江春波如藍願

聖人壽如川流添

同日

諭免江南浙江所過州縣錢糧十分之三

駕龍十二自冀祖徐築沙成砥汲井灌塗

眷懷父老迎送

金輿

鳳帽揚鈴川路縈紆鼓楫洪流引纜清渠凡厥庶民

樂事共趨水陸雖異瞻就無殊北旣薄賦南亦減租
王道平平厥數均符棹謳競發響雜鷗鳬蟹舍漁汀
老稚攜扶萬家歌舞兩岸畫圖

二月初六日

諭賞江南浙江老民老婦

玉輦再蒞閱十五年昔之中壽今則華顛鳩杖競扶
俠路駟肩穆穆清光稽首瞻

天招邀鄰里挈抱曾元某歲某月某水某山縷述

宸遊指點從前雨露滋榮樗櫟均延

翠蓋容裔今得再觀金縉荷

賜頌祝臚歡行慶施惠

愷澤逾先尚期

六幸

聖算綿綿

二月初八日

諭免江南竈戶帶征遞緩銀兩

調鼎珍味古稱大夏挹滷滄溟管以齋霸今則淮產
南與北亞大賈轉舶司鹺衡價揚徐襟帶楚越凌跨
販鬻流通利半天下實則海鄉熬波代稼熟竈鮫館
戢形蝸舍風潮或侵租賦恒貰澤恐隅向福從

天迓四載積逋

恩綸曲赦蜃窟懶津萬音祝華一物不遺大哉

醲化

二月初九日

諭免江淮未繳川餉及緩徵提引餘利

廣陵名都繁華從古闐闐魚鹽樓臺歌舞戶擁高貲
地稱沃土匪曰多財卽稱善賈推厥蕃滋實惟
澤溥沐

德旣深勸功以補施萬報一固亦其所煦育

天心乃彌仁撫蠲緩巨萬往牒未睹譬彼芄苗更膏
陰雨紅橋鶯花竹西簫鼓太平之象式徵豐廩

二月初十日

諭江浙辦差官員有叅罰者開復無叅罰者加級

沃野賦繁徵輸易玩劇邑訟滋獄情善變越俗吳風
官符每萬盤錯屢經瑕瑜互見課績有章考工秉憲
明詔垂慈微勞示勸蕩滌

恩駢褒榮

綸煥東並青齊北侔赤縣福荷三錫例歸一貫典本
觀民惠迺逮官拜手稽首庶官慶忭矢勵清勤荷
天之眷

同日

諭賞江浙辦差兵丁兩月錢糧

南柔北勁各具土風吳劍越弩寧逮燕弓虎符徵調
勞勩則同至其執役均厯

皇衷捧檄星邁鼓舵雲從晨翼青旗宵拱

紫宮軍律有常誰敢言功

念茲奔走廩乃從豐準以顧役值浮於傭感逾挾纘
熙熙融融四海不波萬里銷烽偕其什伍惟効呼嵩

二月十三日

諭廣江浙學額

博士弟子黌宮額定夏誦春絃比閭相應文章淵藪
東南爲盛珠璣溢海蕙蘭被徑滋育良蕃採擷莫罄
夏槐黃霏春桃紅靚藥珠增榜彈冠交慶烝我髦士
秋螢白映玉尺有程金沙或剩

問俗沛膏育才發政芹藻廣植薪樵叶詠於鑠合典
旁求推

聖

二月十四日

諭恩詔後江浙軍流以下減等

三宥

堯仁五刑虞象觥觥司直庭堅無枉况乃元正

湛恩滉瀆赭衣弛鉗丹書解網淮海迤南幅員雖廣
狴犴新牘郡纔三兩

慶典式渥復茲滌蕩城旦輟春戍車稅鞅向善懷新

砥瑕戒曩俾鷹爲鳩條風噓養俾茅爲荃醴源滋長
至德如天八紘同仰

二月十五日

諭免江寧蘇州杭州三府附郭諸縣錢糧

鑾輅黃臨古謂之幸布德行慶邁其倫等蔡邕所述
駭義炳炳金閭石城開府行省虎林建牙越疆統領
是曰會城郡邑莫並

華蓋蒞止春遲日永所過者化近光附景旣駐

羽衛卽侔甸井甘澍徧滋沃厥四境懿筐將桑良耜
趁杏婦唱童歌慶溢幢町

二月二十八日

諭撥兩淮鹽課六十萬協濟河南

黃流九曲挾河東赴泛濫

堯年事由氣數維宋陳鄭仰煩

聖慮

積誠默驗聿彰

神祐朝祈夕應炳然符據典茂翕河

念彌厯豫租賦畢貸兼資補助尙以善後恐勞黎庶
鹽官權課

詔爲挹注衷多益寡協權中度周瘵咸蘇蓋藏益裕
衆志成防亦孔之固

二月三十日

諭免浙江緩徵錢糧及借穀

越之逋賦減於吳地數有贏縮

恩無同異山川出雲烟煨一氣

天降時雨暨則俱暨漕司督轉雲艫挽遞咨爾吳興
貢幾億計

神倉富有茲猶一芥其在農家則關生事午鼓插秧
秋塍剪穗婦擔姑舂勤劬實備幸荷貨除均蒙樂利
苕雪洋洋飲和靡旣

三月初三日

諭海塘修建石工

驚濤翔涌鼓盪颺輪月躔應度日母歸神西注浮天
左界無垠不過其衝將墊越人

親度者四靈胥旣馴補苴罅漏

軫顧彌殷

睿謨指畫遠計萬春甃石大壯終勝積薪格磔犖确
下逮魚鱗堅嶂峭崿洪波淵淪魚龍不作磨銅鎔銀
偉哉

禹績炳炳麟麟

三月初六日

諭賞福建辦差兵丁兩月錢糧

中權統握部伍翼分楓嶺建營兩隸浙閩被川組練
調從越軍荷戈江國亦有海人舶舩跋浪出沒若神
射潮犀手矯捷齊倫

帝嘉乃藝兼

軫乃勤水衡發帑

頒犒惟均炎陬逃聽居雜波臣遙瞻

斗極未迓

至尊歸擣

明賜示乃鄉隣榕村薛屋同頌

皇仁

同日

諭賞福建百歲舉人郭鍾岳爲進士及賞資陳應騰

等

御書緞疋荷包

嶺南耆儒歲已累百春草袍青秋霜髭白執圃文林
茹涵

聖澤卉木蕃庶茲爲松柏跋涉迎

鑾山程水驛映雪年深瞻

雲路獲一第邀榮平生願塞

宣賜其餘踞擎

寶刻璀璨佩囊綵繡縹帛於維

昌辰佑申

齡錫瑞應有徵非逢其適五老飛星允符圖籍

三月初八日

諭賞還浙江官員所捐養廉

帝省方岳自北徂南棟宇葺建予值者三湖山金碧
芳圃精藍迹因古昔華非雕剏鳩貲藻飾爲價實廉
猶慮司牧藉口以貪欲取姑子擾我閭閻

詔稽厥數準計豪纖各還其積如未開絨經費所贏
餘沃猶霑

聖惠則渥

聖訓則嚴勵乃冰蘖無負彤幃

三月初十日

諭召試浙江諸生錄用賞賚有差

赤堇上金會稽美箭寶井耀晶浮筠挺構越產富珍
扶輿彩綯靈粹天篤滋培

聖贊川效岳修待時乃獻泰初彙征乾五利見

翠鳳曩臨四掄厥彥十有五載

前規式踐延恩列旌

天臨闕殿棧樸莩甲久而楨榦拔尤者四橫經知勸
壽考作人式賡於萬

同日

諭賞淨慈寺接

駕年老紳士耆民

南服士女競觀

光華

清蹕所屆人海無涯惟茲耆瑞鶴髮鬢髯飲和駐顏
不藉丹砂香山洛社矍鑠相誇國老庶老禮所優加
自爲班列肅迓
雲車天機錦段

寵渥有加金地深嚴寶坊綈綈老人星見晃耀青霞
無量壽佛爲散天花祝延

洪算比恒河沙

三月十四日

諭浙江勿尚奢華

西湖山水詞客夙誇建炎淳熙侈麗增加四五百年
越俗因奢遂令桃柳多於桑麻競艷其盛孰摘其瑕
帝省民風非玩鶯花何爾守吏尙導繁華濡染弗戒
波靡奚涯其遵

彝訓無卽于邪謝爾綺紈却爾箏琶男耕于陌女織
于家斲雕返樸

聖世所嘉

三月二十三日

諭定河神封號

河行秦晉束乎峽中出而平原蕩潏四衝稟承

審算始障而東迨其合淮湍悍爭雄濫而奪流倒注
相攻機宜

天斷始淪而通

聖不自聖歸諸

神功舊銘清口新秩儀封禮昭報祀祭法式崇詩頌

懷柔狩典攸隆爲民祈

祐誠本

淵衷三靈允協萬福是同

三月二十八日

諭召試江南江西諸生錄用賞賚有差

大江以南人文所聚兩浙三吳方軌齊驚南金得雙
化冶並鑄鴻筆顏謝舊門陸顧吳趨會吟淮山奏賦
豫章名材響然亦赴滙合地靈共瞻

天度鸚鵡獨秀驂騮聯步薇省同升桂籍添註吉士
藹藹騰驤

皇路曠典希逢幸哉五遇

四月初七日

諭保護柴塘

舊防勿徹聞諸韓嬰成功勿毀古義孔明斃石爲重
束芻爲輕舍舊圖新是亦人情詎知長菱足禦奔鯨
外資保障屹屹重城况乃金隄剏始經營預撤其藩

抵隙誰撓無若頽垣剝爲夷庚無若墮樵撥拾晦零
慮遠幾先

語誠未形億萬斯年波濤不驚